

澄城縣志

卷七
九十八

地 170.149

34

部 12

陽湖漢亮吉孫星衍同撰

廟屬七下

金岱嶽廟在北郭門外金大定二十七年知觀道士呂居仁重修語在鄉貢進士宗有□記

宗有□重修岱嶽廟記粵若大極分而為兩儀兩儀立而生六子本乎天者親上日月星辰麗焉本乎地者親下山川河岳奠焉其類既分各從祀典於是威在夫東者造化之所起而嶽者神靈之所宅主乎震位為五方象帝之先□□岱宗乃萬物更代之處距充地之雄勝巨魯邦之□詹太皞領其權勾芒司其令厥德配地於時為春逾狩者止焉而考功德志道者登焉而小天下□有□天壽回三千餘里是謂三宮

澄城縣志卷七

廟屬下

空洞之□□記所載不可誣也故日月所照霜露所墜之域凡有□□則秉彛好德之倫莫不崇飭廟像歲時祀□□所以戴天齊之作□日來之佑也同州澄城縣襟商顏帶漆沮控上秦走蒲坂爰當要路是為劇邑於稽古迹則有隋文帝魏立成之舊莊驗以澤民則有鄭楚相呂大防之遺愛沃野四闢居民萬室教□□徵家給人足祀廟之奉詎可闕焉古微之北有岱嶽廟自我馬生郊之後豎震風凌雨之餘歲月寢遠敝壞滋甚知廟道士呂居仁微妙兩觀願言一啟以謂人者神之所依神者人之所事若坐視其敝而不為興起雖然神罔時怨柰何日鑒在茲况生乎由是死乎由是衆因微悟感願悅隨翌且遂與邑中耆老度其鮮原揆之以日鳩其□□衆材闢宏基構廣廈經始勿亟迄用有成于以感崇朝

徧雨之雲于以肅在廟駭奔之衆茲見門墻山口庭中水絮
畫棟虹橫瑤階肪截上通雲漢碧差萬瓦之鱗前直郭門
蔭兩街之樾霞升氣接河汾遠日出冷連條華高聳成
之觀是曰嘉寧之殿一到則俯仰於爭境之中逍遙於塵
之外香火之緣自起名利之心遽盡又何必大寓言之與謂
可並秋毫小遊說之士謂不□□者哉廟既成弟子王抱
一以其師營造之勤求爲紀述愚卽□其森然如絕澗志松
湛然如清溪之水誠羽士之侯範爲教門之領袖卽此勝緣
諒非矯舉因毛元銳以塞所請庶使□□道□神遊長揖稷
丘公鄉校羣儒□仰更新韓吏部大定二十七年歲次丁未
惟一□乙巳朧越四日戊申鄉貢進士宗有□記

國朝順治四年知縣姚欽明重修

澤州府志卷七

府屬下

二

金師節婦祠在縣南雷莊村元以前典祀今祠祀俱廢其遺址
存焉

金主簿趙公祠在岱嶽廟內大定十一年建有德政碑撰人名
闕祠今廢

失名縣尉趙公德政碑昔漢置長安城中置四部尉掌捕盜
賊至隋唐郡縣各置尉一員俾分判民務則尉職之設也其
從遠來矣我國家城邑星分綦布雖極要荒之民必使一視
同仁則其爲縣邑親民之職者不獨責成於長貳推尉亦然
然其間尉之稱職揚名者曷其鮮也豈其皆長貳之能而不
顯尉之能耶若然則譽著於南昌威宣于北部惠歸於武陟
文絕於鄆縣僕射以言大見警長史以子孫相託古史豈溢
美乎蓋一有治效之及民者皆可紀也竊惟漢唐之有天下

年世不得不謂之遠城邑不得不謂之廣而尉之見稱於當時垂名於後世者僅此數人亦不過有一能耳古謂才難不其然乎若乃有古人之遺風習今人之全美則我昭信趙公之於澄城也公諱規字君摸中郡安次人也其先累葉積德皆稱賢明語其品秩則兼萬石之崇較其門閥則冠五侯之甲慶遺後裔繼出偉人公少好學問博通經史工草隸善詞章精神明秀風度凝遠不茹不比遠邁於前人所畏可愛克紹於先烈其特立英果之氣蓋出天資遠大白期志爲時用旣□以蔭補內祇出職於前年冬奉命來尉是縣視事□日首引滯訟聽詞察色悉得其情約一時頃決遣□□人服其精敏乘閒則出阡陌召耆老而告之曰□□□莫大於農要農之務唯勤是先闢上擊壤寒耕暑耘勉力田然後困庾實而衣食足古人謂勤則敏益一鍾不勤損亦如之天之報施滅裂因人以爲限假令量入以爲出又有嫁娶賓客疾病死葬人所不免者用度又不貲奈何耽酒縱飲博奕自供一日之歡其貽數口之憂墮農已甚難道典刑皆謝曰仁人之言其利溥哉敢不拜賜比來雨暘不時饑饉薦臻家無儲石之儲人起流離之嘆公乃集士民款諭之曰天災流行觸地則皆然苟去此而取彼跋涉險阻慘悽籬籬之下祇自若耳何補於事竊嘗計之富家多一剝聚歛以興怨貧民日削月朘多不粒食與怨則招憂不粒食則羣起而自救盜賊之生發於肘腋可不畏耶且天道惡盈而好謙人知損有餘而補不足時乃天道當其物成收歛執券契以責其所有如探囊中物是謂以新易陳又舉倍稱之息得歛散之權成相養

之道也計無便於此者有司將不疲而力役矣不推而徵呼矣不督而進懸宿負矣人知復有生意皆羅拜曰生我者父母也今蒙一言活我於漂泊垂亡之中猶父母也忍棄樂土而進父母乎將何所向而入矣其爲工匠當應遠役有不能自給者則出已財以津遣有娶婦者始從衆轉徙流寓他鄉寂無音問者已四世紀及歸省其塋墓但見平田曠野不復墟樹則告於有司有司殊不加恤雖遣官屢詣其所終不得實其婦孤貧恨無以雪顛天而已抱屈累年幸公清直明敏婦復伸訴公覽之得其冤狀下令期於所爭地引數騎直抵其處其老婦亦迷亡其丘塚之所在公乃取山川之形狀以其可葬地命丞徒運畚鍤出土壤約一丈二尺廣狹倍之因得其宅兆田主叩頭伏罪流血公命博丘塚植樹林周以垣墻而貨遺之橫山賊有號渠魁者久爲人患公曰賊寇爲人之患不爲不大良善遭寇之侵不爲不苦當力掃除以安良民於是分布弓兵潛匿於林谷間出不意抵其巢穴一舉生擒之長徽係頸凱還以獻俘自是黨與散去境內晏然余丁羨幸覲覩牒牘以干使令者皆叱逐而弗用潛奸隱慝浮沉遠近以肆毒螫者皆發摘而無餘豪宗俠族之家畏威而莫敢犯舞文弄法之吏率皆不能欺爲之屏息以至公府不時之速務非理強明之譴問人皆戰汗不知所措公獨從容以辯以別卒歸諸正非胷中所養至大至剛者孰能如此哉公面目嚴冷未嘗以色假人望之儼然若神明然言語落落皆可法則尤便騎射武刀絕人人信其明禮樂而教詩書比之郤穀者可用之將口口虛語也凡聽訟必盡兩辭徐以理察

之如得其□□□以本法入無怨言奸民滑吏皆欲手□之
事□□□已誤觸憲網者往往矜閔責以改行□新以□□
而不虛每歲冬月軍人以戎馬牧於郊□□□□死者則
強擲地分以均陪民恒患之官□坐□□□敢道至公卽不
然乃慨然曰不惟侵掠我元□□今歲冬早宿麥半死若繼
令牧放則甚傷農□□□□矢則國計何自而出乎因下令
嚴行禁約仍□文□之主者其寨主雖粗暴武人聞風而服
公之剛正乃戒其軍曰眞賢對也不可犯之自是牧□不放
侵境民絕其害父老奉奉稱頌德美奔告於下走云勸課農
桑使敏於樹藝安集疲氓使免於流亡明足以察奸慝義足
以恤貧乏威足以懾強梁勇足以破梟賊禁斷浮丁之目割
除逐波之名杜塞請託之門阻絕奸邪之路行一尉而衆善
萃於躬於是萬口一辭而告之曰吾儕□□雖口頌而心記
恐不足以傳子癘况惻然乎願立祠塑像紀功金石以傳不
朽公聞正色讓之曰念□才識淺薄爲一尉職况遇連年
旱暵民幾失業蓋治有所失其過非鮮安敢將此政治以傳
永久乎誠非□善實爲長惡卽榜禁罷去其縣境之民輳集
歡□□愈嚴而莫之止□□□□□□□□□□□□□□
□□而不知不智□知而不傳不仁也仁知周公未之□也
况僕剪剪者何足以□□則春秋聖人之旨也褒□在焉竊
嘗觀其□味其餘瀝□□□□□□□□□□□□□□以
詩大定十一年二月二十八日□其詩曰南山信美兮叢壑
瑜藜蘆□□兮□游且爲國得主兮百無虞域行草木兮肅
方隅□□□□□□□□□□□□□□兮望天都先聲入境兮

心我徒姪資燭物兮結禱禱歡呼滄路兮歌□□□遠
涉兮畏遠脯喚起老農兮澗與沮墾岡烟□兮□□□
□□兮□□□□□□□□□□□□□□□□□□
年寬忿兮一日摠冥冥腐□兮□□□□□□□□
出嗟逋寇兮誠魁渠□□□□□□□□□□□□
居風威迅激兮達□盧赤手擊搏兮□於菟軒然一笑兮粹
以俘□□□□□□兮如隸奴老□□□□敢詐狙浮丁遠□兮
□□□□□□□□兮□□□□□□□□□□□□
兮著芳譽安□□□□□□□□□□□□□□□□
祀兮永不枯

亮吉按舊志云此于岱嶽廟中得碑首隨復搜抉于藜莽瓦
礫間合而摩錄殊多缺字又失姓氏今考碑云縣尉而舊志

云主簿趙公祠疑舊志誤也

澄城縣志卷七

雜屬下

六

金主簿李公祠在魏鄭公祠內大定二十三年建有韓城進士
王山甫撰去思碑立祠南門外今祠廢

王山甫主簿李公去思碑昔東西兩京垂四百年守令號爲
循吏者不爲不多然其卓然著見於後世者惟龔黃卓魯數
人斯蓋被天子命典城牧民禁奸舉善與學勸農而一出於
已故能成名然而由縣佐得聲者止一仇香豈非權在已者
易爲功事因人者難爲力哉否則何其得聲之難也如此自
魏晉而降逮及本朝而能度越仇香者卽吾奉訓李公其人
也公諱完字道全朔州馬邑人也性識穎悟日記千言甫八
歲中神童科總角隸進士旣冠調石州司候正直剛毅不畏
強禦石守王夢徵每憚伏焉後授澄城主簿下車之後振舉

熙風華以前弊先是縣以囊旆大姓通行賄賂趨媚僥倖
民無所控訴公諭之以仁明教之以正理使人革心不敢
詭雖被刑肯莫不服其辜由是上恬下熙則用殷富乃興
學校崇尚儒雅時縣學獨一宣聖殿公增其規模庶堂齋
煥然一新平居撫民以恩使民以信德政薰濃散為和氣之
浹洽自是風淳俗厚政簡訟稀日與士大夫飲酒賦詩以萬
戶之繁劇治之猶一家然大定癸卯春朝廷遣使察丞簿中
有政迹者擢縣令公奉勅改授忻州定襄令既去闔縣士民
劉玠等各出家貲立洞南門之外樹碑紀實以示去思之意
命僕為文因採民聲以歌之歌曰彼美古徵兮丹旆之□井
邑萬戶兮勸于務農時有強暴兮恃財之豐趨媚官僚兮賄
賂通□□□□兮□□□□幸遭我公兮儒者之宗來佐
是邑兮協民于中抑強扶弱兮請謁不通化惡為善兮人皆
撿躬星士訪問兮誰或蔽蒙歌咏德政兮萬口一同茂實英
聲兮達于天聰璽書嘉勉兮百里是封舍我云邁兮指之河
東民懷去思兮將安用情伐石紀德兮□□□□□□□
兮血食無窮乃心景仰兮不渝始終大定二十三年閏十二
月晦日立石

金縣令艾公祠在魏鄭公祠東承安四年建有縣人孫鎮遺愛
碑祠今廢

孫鎮艾公遺愛碑郡守縣令民之師帥守非人則千里之民
受其弊令非人則百里之民罹其殃山斯言之今之縣古百
里之國今之令古百里國之諸侯屬當是任顧不重哉同州
澄城縣漢唐三輔之屬也山沃而民殷事叢而業鉅自虞秦

六國遷其豪傑以居其中風俗精悍自古號爲難治
朝以武德定天下遷東其人率是邑者往往皆碩德偉器
安二歲夏六月前縣令艾侯膺命來蒞是任爰自下車公勤
于職寬而能斷嚴而不苛申明條約檢束胥吏待僚屬以禮
馭口民以信修固城隍明置里堠不閱月治績告成於是興
一舉廢修葺縣署次第一皆新之至於佛刹道觀無不增飭
其修學校治齋舍擇里中賢子弟教育作成之俱有規式縣
之西郊舊有唐相魏鄭國文貞公祠堂湫隘卑陋神像毀裂
侯以謂前代諫臣無能出其右者而習弊乃如此諸而擇諸
爽塏得善地於郭之南國民心所欲而遷焉是年之冬天子
遣信使大比天下戶籍邑中里胥迫于限促其間不勝差玄
侯以新舊籍參校租稅丁黃一皆刪定人服其公平無敢譁
者自侯到任之後每風雨愆期以香火詣佛圖澄洗腸泉默
爲民禱雖左右莫知也旣而三日之內輒獲感應是致闔境
之內不早曠者三年而亦無風雹之災前主簿馬丙亨甫業
已受代而遽告逝遺孤女六人皆長成而未聘也一孫雖甫
及成人而未娶侯哀其孤貧皆爲擇良配而婚之其娶得釋
重累而還于鄉里百姓避之以爲復見古人焉往來客宦有
貧乏不能自振者皆爲之窮濟其輕財重義好施以周人之
急類如此及其秩滿而歸也民惜其去遮馬首于路而不得
行至有涕之無從者其旣去也百姓蘇居仁等思其遺愛皆
以爲古之循吏有去思者有生爲立祠者自今觀之我侯何
愧焉於是共爲置廟于文貞公廟之東使邑人春秋瞻拜而
奉之侯次興人諱元老字長卿家世貴顯以父蔭入仕俾力

于階征之任積官今爲定遠大將軍嗚呼彼之于僕有三
年之舊知其爲人最能得其詳及予來官馮翊嘗詢其政
而稱不容口於是擴其善狀喜而書之于石以告來者承安
四年十月望日立石

明知縣楊公祠在魏鄭公祠迤南東向祠屋一楹中肖公像四
壁磚甃斧鑿不可破足以驗人心愛公之至歷年旣久棟撓瓦
落四壁屹然獨存有教諭叙南李康楊公政績記今祠廢

楊公政績記正統二年丁巳交趾楊季琦蒙 恩擢知澄城

事覩其凡百廢墜弗稱神棲民失瞻仰仍於錢穀牒訟之暇
謀諸僚佐入諸僉同著龜協吉捐俸貲集羨餘命工掄材修
補廢墜越明年戊午政事廳成重民事也又明年己未大成
殿成尊先聖也庚申壬戌風雲雷雨社稷壇成重神明也癸

亥布按分司成明倫堂成縣倉預備四倉成甲子道觀僧寺
成二郎廟關王廟成凡其奉神之宮接官治民之處師儒齋
宿庖廩之所吏胥廨宇舖舍之備計屋四百六楹苟完矣以
其事務繁冗未遑紀載慮其久遠無徵畧舉各年所成之跡
一刻石以俟同志君子尙有考焉正統十一年三月望日儒學
教諭叙南李康撰記

明延恩祠舊志潼關兵備道張淪祠也在預備倉之東北向正
德八年知縣韓齊建祠三楹中肖公像傍肖指揮張潛關健像
侍立焉語在知縣河東劉一申記

劉一申張公延恩祠記予家蒲坂距澄城僅里雖異省而聲
跡常相聞若往年兵憲張公采寇英烈蓋已聞其榮而竊慕
之及承乏茲土之八

午揆妖術自山西入隰城有年其徒若洛川郡進藤
寇數千謀不軌初據虎兒溝麻線嶺剽掠縱橫建旗幟制
砲諸兵刃妄稱天王以白爲號遠近翕應勢遂猖獗正德壬
申十月丁卯延安衛指揮陳政率衆往緝遇寇死焉戎馬器
其反資其用寇自以神助明日擁衆階洛川城脅縣令妻子
殺之寇勢益熾流言自澄郃白水韓城諸路先據陝藩聞者
震十一月辛未朔寇漸逼澄城居民逃徙奔命有立斃者
甚令韓齊教諭劉佑討恐不支甲戌告援潼關兵憲張公卽
日發指揮張潛關鍵先道丁丑發指揮彭松張良臣尾而應
之各部官軍總五百其整備芻糧計料應候則同州知府王
良弼同知李曜戊寅公率師直蒞澄城張潛等分次白水諸
路各要隘俱有伏兵寇知澄之有備也卽夜由黃龍山移營
據白水彭衙寨震撼自若張潛關鍵彭松由白水兩路執公
令旗招喻不下乃與之角斬寇首七會大風作潛與鍵暨百
戶王珍死之寇復彭松壘急風益大各收兵松馳壯士報
公未及至時公已進兵次王莊鎮去寨幾五十里矣夜半忽
下令命士馬盡飽食整隊亟進不知者謂公進之無故頃焉
壯士至人殊異之公其有得於風候耶其間有聞不利者相
對頗失色公始泣下旋即奮然自誓以委身決敵且以死忠
諭衆衆皆感且懼踴躍向赴侵晨臨寨相寇壘因空分兵環
守自屯營於黃龍山之隅望寇寨猶在腹裏衆危之公先驅
寨連發矢中二酋諸將士發矢如雨寇健敵不衰公命砲手
架鎗砲十餘種掩於士馬尾忽開營並發火而飛矢隨之寇
中傷者無算死者自焚公曰寇已破勢將遁當自我營奮

出矣迺擗奇兵四百人伏於西北岡。是夜分月色皎然。寇
累自空踴出直衝我公。命連發砲諸路將士齊至而岡下伏
兵自寇尾擣之。寇大潰。公倡衆邀擊。厥明擒殺過半。復整招
旗戒妄殺降者二百有奇。斬首百四一十有奇。擒獲百四十有
奇。旗幟冠袍器械妖書不可數計。初日會師。凡餘孽醜類。積
次斬獲殆盡。自是民得息。喙就生。侯公凱旋羅拜道左。咸曰
吾今復見天日。公之功也。公蹙然曰。爲民上者。弗能先事與
變。俾赤子弄兵。延及良民。橫羅鋒鏑。而不得以天年終者。方
自引咎。尙何以功爲。衆感泣。明年癸酉。邑耆老趙旺石秉常
田錦石仲張倉等。謀曰。張公於澄。人有再造之功。而不自處
眞。吾父母也。義不可忘。願祠而祀之。遂相率殫力。規祠卜邑
之西南隅。講堂三楹。中肖公像。外設門券。扁曰延恩祠。告成
既久。衆恐磨滅。而不傳。復懇乞予以記。予嫌以官屬。或襲奉
諛之。請衆不悅。曰。張公遠去。我侯久歷。茲土吾民。所以追慕
懷思於張公者。信非侯莫能悉也。予辭不獲。已予雖不識公
嘗遊京師。得公之大較矣。公名禴。字汝誠。號西盤。順天平谷
人。登宏治己未進士。初授戶部主事。繼改刑部員外郎。郎中
當路。以公才行特著。推改監察御史。出按山西。風憲赫然。尋
陞大僕少卿。進都察院右僉都御史。巡撫山西大同府。秉道
嫉邪。大著安攘之績。後以猜忌謫泗州守。去之日。軍民遮留
者甚懇。及泗時。會流賊猖亂。公督兵截殺。地方多賴保全。被
有去思之碑。可攷也。今轉潼關。再活關中。萬命所謂志士仁
人捨身消患。而不自以爲功者也。於戲。張公之不居功也。其
言仁民庶之不忘德也。其言義上皆能仁。則何至於致寇下

昔知義則何至於為寇繼今官僚士庶悉安其分而歸於仁
義焉則澄城為善俗樂上矣予故書其美以勸因為銘銘曰
妖之虐民之瘼撲之過澤之渥厥寢斯作厥功永焯正德十
一年春三月吉朔壬午建石

明追思祠舊志知縣徐效賢祠也在預備倉門西北向嘉靖庚
戌秋知縣敖佐奉檄建祠三楹中肖公像語在南京戶部員外
吳橋李懿記

李懿徐公追思祠記惟王建國設官各有分職以為民極縣
令之職掌縣治以守縣地親縣民任至重也凡縣令生有遺
愛沒有遺靈者法並得祀澄城為馮翊屬邑自古稱難治嘉
靖乙丑秋江津徐公效賢以才舉子知縣事不三年境內肅
然稱治迺天不憖遺以巳酉歲六月卒於官於時士哭于庭

澄城縣志卷七 禮儀下

三

民哭于野如失慈母然既期父老百餘人錄公治行列詣贖
以祠祀請燧改情移哀痛如新嗚呼公何修而得此哉蓋封
南國之棠者思召伯之政泣峴山之碑者追叔子之德民之
請祠公之德政來之也稽諸贖謂其廉而慎也寬而肅也而
省而賦均威行而愛立也土彬彬而民于于也祀典口而禮
樂日以興也作偽者遠而奸慝無所容也熙然如萬物在春
風中而一草一木皆有生意怡然如江湖波靜而纖鱗巨介
各安其所公生而澤民如此誠所謂盛德必百世祀者哉父
老述公未卒之前兩月常謂人曰吾生為縣令不負於民死
必為城隍何負於我卒之夕人果夢公峨冠緋袍入廟侍衛
森然階下羅數十人如刑獄考訊之狀嗚呼公生而正直沒
而靈神理所必有安知他日不能驚動禍福人哉昔祠鄉之

記宋邑親之也羅池之祀柳子厚神之也今澄人祀公於二
義實兼之先是預備倉有隙地公鑿非以利民汲今之祠適
奠其中民飲公德殆源源不竭乎時知縣敖佐主簿王致中
咸有志於公者工藝並程規緒用緝尋復以祠記請始余領
鄉薦公實與進焉義不可以避嫌謝敬屬管城子紀之夫彰
善者陳軌振德者廣訓則斯祠也又將以風有位焉茲今之
意也詩之教也春秋之法也君子幸母曰私哉嘉靖二十九
年歲次庚戌冬十月穀旦立石

明知縣史公祠在西門外文昌廟東建祠三楹有去思碑今失
明知縣王公生祠在縣治門左有生祠碑今失

明忠烈祠舊志主簿李可受生員党嘉瑛韓繼武宋捷報杜其
意王之章祠也崇正七年混天星破城主簿蹈火党嘉瑛手刃

澄城縣志卷七 廟祠下

妻妾自刎韓繼武以給諫子爲賊所推戴殺不上馬馬賊被刺
其餘皆罵賊不屈死知縣傅應鳳甲請奉檄祠于文昌祠左應
鳳作記未闕人縣志之死難生員党振纓景運輒附寄此
明李烈婦祠在縣北過家庄奉勅建祠因國破家亡未就

國朝姚公生祠祀知縣姚欽明在縣治前左西向建祠三楹有
坊蒲城庶吉士常若柱撰碑記未見縣人杜房路世美又有姚
公循良善政及申除荒穰碑記

杜房姚公善政記古澁藁爾邑也秦郡譚荆疲者必首屈指
焉噓城復于墮田有茂草賦繁民逋文黜武弛幾不可爲矣
揆厥所繇前此守土者率皆以丁當目前爲賢經畫諷劑置
之不講故爾丁亥大呂月十四表姚老父母知蔽邑雨下車
即與二三父老商確時事有癘民者一切革去苟可以嘉惠

元元者罔不次第舉行其大者若招流移以復故業清兼并
以祛侵漁懲宿蠹以恤民脂修縣志以釐贖典章章著矣而
且葺黌宮開水道風氣萃也賑儒寒復月考禮樂興也保甲
申而鄉約飭嘯聚以息械具備而較藝時神威以震強熒克
而讞決明覆盆以啟鴻功駿烈更僕難數實心實政若可知
矣古者朞年服政三年然後政成今茲未兩禋詢厥民曰膏
雨可樂也詢厥土曰莪撲大行也詢厥行路曰百有餘年全
活我撫摩我厥未有也故當道移檄旌之者旁午想 聖天
子大計吏時已識公名書御屏矣夫上下交孚華實並茂偉
哉公績龔黃血下奚讓焉邑人土沐公深仁厚澤慮不能久
借于澄有爲公圖像俎豆者有爲公建祠尸祝者又有爲公
醵金勒石者篤誠懇至真若嬰兒子戀慈母房不覺喟然嘆
曰孔子奕代大聖也子產亦春秋良吏也且得民難如彼然
者公營何術乃獲此哉蓋公江南豪士關西循牧其宅心也
敬若白日其禮躬也皜如冰壺故其見諸政事家視國子視
民才與誠合而綱輻綰辨兼擅其美乃能致荒城生春九邑
覃化萬瘡頓起百務改觀也是宜澄之民瞻依公祐冒公竊
竊焉爭配享名宦之間公真古之吏民爲古之民哉時余叨
訓隴右客自東來皆一口頌公治行爲三秦第一房被公愛
渥知公又深故記其善政如此雖然房非私阿公也蓋美則
愛愛則傳矣順治六年正月吉日記

路世美姚公申除荒糧記

國家經野則壤而闢賦率有成額故歲有豐歉而額無損益
官有廉墨而課無增減輓近以來有司束於功令黔黎疲於

征緝繭絲者奏最。緝保障者。始下考筭。筭者。道不流亡。則盜一賊。國家欲久安。長治道。何繇哉。吾激延袤百里。強半皆山谷也。土瘠賦重。逋負疲累。所從來矣。隆萬以前。時和年豐。多有朝郤蒲坂。負耒而來者。開苗佃種。土著猶苦荒多天。啟以後。兵歲頻仍。闔閭凋耗。雖神臯與區。尚嗟黃茂。况瘠土窮鄉。乎四遠之民。望澄以爲苦海。始無復有承糧佃種者矣。以故官此上而得給繇考滿者。三百年來未可。二指數甚。且有急征激變。一。傷生者。覆庫踵繼。一。成盜媒而徵發。則會又無寧日。一。不應而鞭朴之。一。筭之地。大不理。賴尾難支。其不一。挺而走險。何竣哉。然又從而議緝捕。議勦滅。此如起虺羸者。不以溺靡。一。護其本源。而以芒硝大黃。劫之不惟不能已病。且有立斃已耳。今澄形羸極矣。惜未有悉病根。而指陳之者。

金陵姚侯于順治四年來。渣殘邑。甫下車。見城中滿目瓦礫。間無人烟。且四野蓬蒿。于耜者舉趾無所。泣對父老曰。今天下兵禍久矣。不意澄民一至于此。本剝而求木之茂。源涸而求流之長。萬不能得。一。是虛心下問。體悉焦思。備述致盜情由。與夫拋荒之故。慨然爲民請命。痛哭流涕。真如賈傳當年諸上臺。咸許其先識遠慮。而四野呻吟之輩。無不感激泣下者。余固知侯不爲繭絲矣。因求昔人所以保障之實。不過曰。減戶數而已。蓋戶數減。則國課實。一。夫應公家之征求。餘夫營私家之俵食。生理既厚。感戴益深。惟恐上之人一旦舍我去。而他人來。不可恤也。一。遇國家有難。竭力以衛。上捐驅以拒敵。凡可以爲一。家保障者。何所不用其極焉。我侯前此審編。既一。死亡戶數。今又履畝申除。荒蕪田糧。此正所爲良

治木之法賢侯保障之實也釋子民無窮之累收□家得之功庶几哉予□循良可比魯恭卓茂其

垂永賴萬民異有同心焉其他奇猷□□□德政諸記中候□□□字四表江南江寧□□□五年□□□日記

玉皇閣在北郭門外迤西崇壽宮後

后土廟在郭門外迤西

韓山奕應侯廟一在南郭門外東南隅知縣姚欽明重修一在北郭村

浮澤帝廟一在縣西義合村一在縣南雷莊村

高山神廟在縣北三十里舊志云世傳村東有河引水成潭中有巨蛇時出傷殘行人幾斷神乃盪除一方獲安因爲立廟祀之凡民間瘡痍者多禱焉語在縣進士許英記又有貢生杜芊

記俱未見

澄城縣志卷七 廟宇下

六

文昌祠在崇壽宮右明洪武二十一年重修前鄉進士楊建中記萬歷四十八年知縣姚祥昌改移西關舊文廟所天啟間知縣毛丹鳳加春秋二器

國朝順治五年知縣姚欽明重修雍正四年張雲鶚別建祠于先師廟之左乾隆四十七年知縣戴治以祠卑陋與教諭楊伯魯訓導遴及合縣士民損貲別建樓閣

奎星樓在城上巽方乾隆四十七年改移

龍王廟一在縣東郭外一在縣西南淤頭兩岸其地落水經焉兩崖壁並水自高岸湊下狀如瀑布下有潭洞然深黑常有雲氣能致雨明正統中知縣楊季琦禱雨有感樹碑廟中語在教諭叙南李康記

風伯廟在風洞前每烈風作官具牲醴祀廟祭之風始息明崇
治中知縣楊泰重修

八蜡廟在雷莊村

三娘子廟在陰泉之上舊志云其詳無考

天王神祠在城西北樓舊志不錄今據王用傑記列

王用傑城西北樓創建天王神像記按唐史安西蕃叛朝廷
憂之異僧不空建言於朝以爲可使天兵禦賊越數日安西
報至塵戰時見昆沙門天王像口賦惶懼解云悔罪因命有
司建廟設像口口口口口口故無此神余之肖像也以玄武旣
比而設也按內典神住西域瞿薩國與瞻部有緣獨揭勝幢
暨伽婁接修羅怒折蓮柄狂搜藕絲多聞爲方便救護之門
立於西北非妄也且玄武旣移之坎位而神之威靈保衛見

澄城縣志卷七

七

之形管肖像祠之更非妄也方賊之殷也廟旣構像旣飭而
實於其中振漏鼓焉籌刻分明而窺城者之心遁矣余首捐
俸若干金共守此城者若口口口口口口各捐貲贊成後於
六年三月中土寇復擾城賴今令姚侯卽其集馘之人莫不
曰侯之明威孔赫爲百姓禦災捍患而亦有以香楮禱神祝
釐者則神人胥慶矣余自爲之記嘉姚侯也亦以見神道設
教其方不遠云侯諱明欽字因表江寧人順治六年五月記
真武神祠在城北樓舊志不錄今據王用傑記列入

王用傑重建城北樓移玄武神像記凡興役不關民禮雖大
不書旣茲樓櫓廢於兵燹瓦礫不存矣五經殘破官此者視
爲風濤苦海何暇議復余復建自順治三年秋冬誠事而內
肖玄武神像非翹也先是神位於城西北隅按神爲黃帝孫

蕙昌之裔鼎成龍至去而上仙與黃帝事頗同司天下洞府之陰皂旗懸輪斗劍以驅妖魅又按口式之書神司水主盜今以坎位移之乾方以水生金得旺相氣而南臨周道宜茲邑盜氣之不息也獨孤及曰八宮之位正則數不僭神不忒歸之於坎則位正而靈衛主宰不愆沴氣戢奪矣余既禦黃張魏賀等盜又誅王孫雷劉等盜其餘若周樊諸人猶可化誨者收其弓馬獻俘編伍痛定思痛乃念是樓也其木石工匠之費不越二三十金余自輸之督工者王家勸也民亦勞止汙可小康而余竟以此工致掛彈章今蒙 恩赦二載羈遲未去而劇寇復來擾城新令姚侯卽壘殲之萬姓頌侯之威德而又以爲移神正位之驗卽未可盡信乃其畚築之始末莊嚴之根因實城與民共賴之者余不敢翫散其詞直書

以告後之君子順治六年五月吉日記

精進寺在東郭門外迤南唐肅宗時建浮圖九級元將軍郃陽郭恩德過此有詩縣貢生杜芊有重修記

普濟寺在金沙谷上其下有佛圖澄洗腸泉禱雨輒應縣人相與創祠泉上名靈泉寺宋大觀丁亥馮翊久不雪太守郭賢遣使運泉供事之翌日瑞雪應期歲乃大熟太守奏其事于朝天子嘉賞大觀戊子四月錫師以真顯法師之號至己丑又勅賜普濟之名政和壬辰縣人曹景儉作記地頗清幽騷人韻士歲時遊者吟咏日富有鐫詩記縣人張廷用撰

治平寺卽隋文帝避暑宮改後旋廢年代無考

普化寺在縣南鎮基宋熙寧間賜額

聖壽寺在縣西十二里村宋熙寧間賜額一在歸安村

至德寺在縣南伏龍村宋大觀間賜額

興國寺在縣南白龍村隋文帝敕建歷代重修

壽聖寺在縣南棘子村宋熙寧間賜額

塔福寺在縣北太平村唐建宋金元重修

大慈寺在縣西高槐村金大定間重修

清涼寺在縣東段家河金大定間重修

廻鑿寺在縣南景家河隋文帝避暑廻鑿駐蹕于此寺因以名

暉福寺在縣北北寺村宋大和十二年建

寧國寺在縣北馬店村唐建

雲封寺在縣北平訓村

大雲寺在縣南寺頭鎮

肅宗寺在縣西北王莊鎮

澤州府志卷七 廣濟下

九

永興寺在縣西北永內村

青蓮寺在縣南董家河明通判路縱廣施地建

善化寺在王家河

至德寺在縣南伏龍村宋大觀間賜額

容相寺在董家河金大定二十年建

青龍禪院在縣西北四十里洛水之陽

清涼禪院在縣西段莊村南元泰定三年重修明宏治四年又

修縣人進士許英記

大明禪院在縣東北門邨宋延祐間重修熙寧間賜額

大悲禪院在縣南中社村金大定壬申創建趙鼎重修

存留院在縣東南西觀村金大定二年重修進士吉舜巖記

廣濟院在縣南南社村金明昌間建

觀音院在縣東撲地河元至治元年重修一在縣文廟正南順治五年知縣姚欽明因生員路從序舊建一楹闢之為祈嗣地白衣堂在縣南郭外迤西明崇正間舉人路世龍倡建

慧光洞在普濟寺東崖古名金沙谷相傳為石勒時神僧佛圖澄卓錫地因祀之宋政和中道人曹景儉有記迄今傳訛為佛寺嘉靖甲辰寺僧常理法孫崇德始即寺內河東崖磚甃此洞肖有佛圖澄像祀之

羅漢洞在縣東北門邨

碧潭洞在撲地河

雷神洞在縣南窰底邨

三清洞在河家莊

崇壽宮在北郭門外迤西唐建道會司在焉金節度中議太原

澤州府志卷七 廟宇下

郝子玉題崇壽宮觀妙堂一絕

玉泉觀在玉泉之上盤山和楊子李君棲真之所碧水環流芹香縹緲羣峯若拱溪山之勝槩也延祐乙卯其徒純靜太師王承謙重修陝西諸道行御史臺監察御史彭喬潘汝劾記明嘉靖己亥道人李教真修葺

白雲觀在三娘子川

吉祥院在縣西南蘭莊河

修真觀在縣東南二十里殿宇清幽林木蓊蔚相傳漢武帝求仙東遊梁山棲息于此故名代有修葺宏治乙丑居民李泰重修

元明觀在縣北匱谷邨宋建

瑞雲觀在縣北遮路村金明昌間重修

蔡仙觀在縣西南蔡家河

三官殿在崇壽宮左西向金大定三年重修額在中山劉樞記

